



Publicaziuns dalla vischnaunca, jamna 19

Votaziuns federalas ed elecziuns cantunalas

L'urna principala en casa communal a ei aviarta sco suonda:

Sonda, 17-5-2014, 18.30–19.30
Dumengia, 18-5-2014, 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton sil pli tard entochen venderdis, ils 16 da matg 2014, allas 17.00, tier l'administraziun communal (tel. 081 920 36 36).

Levgiament da votar

Mintga votant(a) ha la pussevividad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar suttascret en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brev dalla casa communal.

Ils cedels da votar ston esser sil pli tard la sonda, ils 17 da matg 2014 allas 12.00 tier l'administraziun communal. Il certificat dil dretg da votar ei da suttascriber. Senza Vossa suttascripziun cun agen maun ei la votaziun nunvaleivla.

Suprastonza communal Disentis/Mustér

Damonda da baghegiar

2014-1019.000

Datum dalla publicaziun: 9 da matg 2014

Il patrun: Roc Durschei-Jacommet, Via Curtins 4, 7186 Segnas

Il representant: Roc Durschei-Jacommet, Via Curtins 4, 7186 Segnas

Object: Sanaziun ed izolaziun dil tetg casa, parcella 16, Via Curtins 4, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 5 da matg 2014

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandontas lubientschas da baghegiar:

Nr. 2014 – 1002.000

Oskar Tschümperlin, Im Höfli 15, 9425 fal; sanaziun dils mirs e construcziun d'in parcadi, parcella 2498, Gassa, 7183 Mumpé Medel.



Nr. 2014 – 1006.000

Bergsenn AG, Bürgenstockstrasse 2, 6373 Ennetbürgen; postar dus tancs per latg e dus containers da stuors, parcella 2883, Via Lucmagn 33, 7180 Disentis/Mustér.

Disentis/Mustér, ils 5 da matg 2014
Uffeci da baghegiar Disentis/Mustér

Serrada dalla Via Pardomat

Igl uffeci da construcziun bassa dil Grischun realisescha la sanaziun generala dalla via da comunicaziun a Pardomat. Duront las lavurs da construcziun sto la via vegnir serrada per scadin traffic sil tschancun Punt Russein entochen Madernal e quei sco suonda:

1. fasa

Gliendisdis, ils 5 da matg entochen venderdis, ils 6 da zercladur 2014, dallas 7.00 entochen allas 18.00 uras (mintgamai ils luverdis).

2. fasa

Mardis, ils 10 da zercladur entochen venderdis, ils 19 da settember 2014, quei senza interrupziun. In'untgida ei pussevla sin la via da comunicaziun, Mustér–Cavardiras–Pardomat.

Per pedunzs e velocipedists ei in passadi adina garantius. Per damondas san ins contactar il responsabel digl uffeci da construcziun bassa dil cantun Grischun, Pius Cavegn, telefonin 079 334 74 14.

Nus engraziein per Vossa capientscha.
Disentis/Mustér, ils 28 d'avrel 2014

Interpresa Beer SA ed uffeci da construcziun bassa dil Grischun Sigis Schmed, Pius Cavegn

Controla da habitonts

Naschientscha

Iris Guerreiro, naschida ils 20 d'avrel 2014, feglia da Graça do Carmo Rodrigues Guerreiro e Joao Manuel da Conceição Jacinto.

Uniun da dunnas Mustér

Preavis

Fiera da Nadal a Mustér

Dumengia, ils 23-11-2014 dallas 11.00-19.00 sin la piazza da scola.

Per annunzias ni damondas saveis contactar:

Fabiana Candinas, tel. 081 947 42 88 / 079 373 61 58, fcandinas@gmx.ch



Zambergiar per affons pil di dalla mumma

Sonda, ils 10 da matg 2014, allas 9.30–11.00 el Center sursilvan d'agricultura a Mustér

Menadras: Cornelia Berther e Patrizia Cabernard

Affons sut 6 onns mo en accumpignament d'ina persuna carschida.

Annunzias: entochen ils 3 da matg tier Cornelia Berther, tel. 081 949 13 74 ni baseli.berther@kns.ch

Cordial beinvegni a vus affons cun bab, tatta, tat, madretscha, padrin, onda, aug, sora, frar, vischina.

Economia alpestra: in avegnir per la tradiziun?

Il CSA presenta: Temps da stad – In film da Pascale Gmür

Il film realisau en cooperaziun cun l'organisaziun da perscrutaziun Alp Futur muossa vid igl exempel da differentas alps ils tratgs tipics dall'economia alpestra e las perspectives per siu avegnir.

Venderdis, ils 9 da matg 2014 allas 19.30 el Center sursilvan d'agricultura, Mustér

www.sommerzeit-der-film.ch

«Grond kino per las alps» La Quotidiana, 17.8.2013 Silsunter discussiun cun la reschissura Pascale Gmür, in cautegia ed ina signuna ord la regiun.

Cordial beinvegni fa il Center sursilvan d'agricultura.

www.agricultura.ch

Nossadunna da Fàtima

Sonda, ils 10 da matg 2014 allas 11.00 messa «Nossadunna da Fàtima» e processiun (en lungatg portughes) en la baselgia Sogn Gions, Disentis/Mustér.

Uniun samaritana Mustér

Nies proxim exercezi meinsil ha liug:

Gliendisdis, ils 12 da matg 2014 allas 19.30 en casa da scola, Cons.

A stedia participaziun envida

la presidenta

Cuors agid d'urgenza «Refresher»

L'Uniun samaritana Mustér organisescha quei cuors per tut ils interessents che han inaga frequentau il cuors agid d'urgenza (Nothilfekurs) e vulan refrestentar las enconuschientschas fundamentalas da quel.

Datum: Venderdis, ils 23 da matg 2014, 19.00–22.00

Liug: Casa da scola, Mustér

Annunzias: Ein da far entochen ils 12 da matg 2014 tier Yvonne Flepp, telefon 081 947 50 35, e-mail: yvonne.flepp@kns.ch



Preavis

UCP uniun da commerci e professiun Mustér

La radunonza generala ha liug **sonda, ils 31 da matg 2014** allas 19.00 en Casa Cumin.

La suprastonza

Gruppa da teater Mustér

Cars affons e giuvenils. Bugen communichein a Vus che nus essan sedecidi da fundar a Mustér ina **gruppa da teater cun affons e giuvenils**.

Tut tgi che ha interess da giugar teater ei cordialmein envidaus da s'annunziar tier Christina Bundi-Cabalzar, Via S.Gions 2, 7180 Disentis/Mustér, tel. 081 947 52 81, e-mail info@corsinbundi.ch.

Bugen dundel sclariment e selegrel sin bia annunzias da pigns e gronds futurs teatrists.

Cars salids
Vossa Tina

Oz en biblioteca!

Praulas e historias cun Mats, la miur

Has ti gust da vegnir cun tia mumma ni cun in'otra persuna d'accompignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surprasas e quei mintga gada il *secund venderdis* dil meins dallas 14.30 entochen ca. allas 15.30.

Nus selegrein zun fetg sin tei ...

Tgisà, forsa anflein nus mintgatun aunc enzatgei auter che mo cudischs en nossa valischa da surprasas!

Cun ils pli cars salids e sin seveser tochen gleiti.

Mats, la miur ed il team dalla biblioteca populara Disentis/Mustér e contuorn

Termins: 8 da november, 13 da december 2013, 10 da schaner, 14 da fevrer, 14 da mars, 11 d'avrel, 9 da matg ed ils 13 da zercladur 2014

Biblioteca populara Disentis/Mustér e contuorn

Bursa da brat

Nus essan buca mo ina biblioteca cun medias actualas, nus essan era ina bursa da brat per maletgs da Panini.

Cura: gievgia, ils 22 da matg e gievgia, ils 5 da zercladur 2014, mintga gada dallas 16.00 entochen allas 17.30.

Nua? Biblioteca populara Disentis/Mustér e contuorn casa da scola Cons, 7180 Mustér.